

Broj:
Sarajevo, 14. 10. 2020

PRIMLJENO: 14 - 10 - 2020			
Organizacione jedinice	Klasifikaciona oznaka	Redni broj	Broj priloga
		01-30-1-15-14/20	

ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
PREDSTAVNIČKI DOM

n/r predsjedavajućeg, g-dina Nebojše Radmanovića

UPUTITI: Vijeće ministara Bosne i Hercegovine/Predsjedavajućem Vijeća ministara Bosne i Hercegovine

PREDMET: Poslanička pitanja

U skladu sa članom 166. i 170. Poslovnika Predstavničkog doma Parlamentarne skupštine BiH, postavljam sljedeća:

POSLANIČKA PITANJA

1. Šta je Vijeće ministara poduzimalo u proteklih deset godina na rješavanju problema radno-prostornih kapaciteta u smislu smještaja Institucije Ombudsmena za ljudska prava Bosne i Hercegovine i na osnovu kojih standarda su odluke donesene?
2. Da li se Vijeće ministara ili predsjedavajući Vijeća ministara trenutno bavi pitanjem smještaja Institucije Ombudsmena i po kom osnovu, odnosno da li je od Institucije Ombudsmena za ljudska prava pribavilo neophodne podatke o trenutnom prostoru koji Institucija koristi – odvojeno za svaki ured, o osnovu korištenja, površini, broju uposlenika, prosječnoj površini prostora po uposleniku, te druge relevantne podatke?
3. Šta je Vijeće ministara Bosne i Hercegovine poduzelo u cilju implementacije mišljenja Evropske komisije iznesenog vezano za djelovanje Institucije Ombudsmena za ljudska prava Bosne i Hercegovine?
4. Da li imate saznanja šta su Ombudsmeni za ljudska prava poduzeli u cilju implementacije mišljenja Evropske komisije iz Analitičkog izvještaja uz Mišljenje Komisije o zahtjevu Bosne i Hercegovine za članstvo u Evropskoj uniji (COM(2019)261) od 29.05.2019. godine, posebno vezano za pitanje reformisanja svoje unutrašnje organizacije uvođenjem tematske podjele rada među svoja tri Ombudsmena i osoblja kako bi se bolje iskoristili raspoloživi resursi?
5. Kada će Vijeće ministara Bosne i Hercegovine dostaviti prijedlog izmijena i dopuna Zakona o ombudsmanu za ljudska prava kako bi se osigurala uspostava Nacionalnog preventivnog mehanizma uz Opcioni protokol uz Konvenciju protiv torture?
6. Kada će Vijeće ministara dostaviti prijedlog zakona o slobodi pristupa informacijama usklađen sa standardima EU?

O b r a z l o ž e n j e

U mišljenju Evropske komisije navedenom u Analitičkom izvještaju uz Mišljenje Komisije o zahtjevu Bosne i Hercegovine za članstvo u Evropskoj uniji (COM(2019)261) od 29.05.2019. godine navodi se, kako slijedi:


„Bosna i Hercegovina mora razviti sveobuhvatan politički okvir za unapređenje i primjenu ljudskih prava, uključujući cjelodržavne strategije za ljudska prava, nediskriminaciju i zaštitu manjina. Ovo je neophodno kako bi se osigurala koordinacija zakonodavstva o unapređenju, provedbi i zaštiti ljudskih prava na različitim nivoima vlasti. U nedostatku strategija koje postavljaju minimalne standarde, nedostatak usklađenosti zakonodavstva i koordinacije među institucijama dovodi do neujednačene zaštite ljudskih prava u cijeloj zemlji“. (str. 42)

U Analitičkom izvještaju uz Mišljenje Komisije o zahtjevu Bosne i Hercegovine za članstvo u Evropskoj uniji, Evropska komisija je ukazala da:

„Institucija ombudsmana za ljudska prava Bosne i Hercegovine je nacionalna institucija za ljudska prava, tijelo za ravnopravnost i nadzorno tijelo za slobodu pristupa informacijama. Ovu instituciju treba imenovati za nacionalni preventivni mehanizam protiv mučenja i zlostavljanja. Ombudsman se sastoji od tri osobe koje bira ad hoc komisija i koje imenuje Parlament na period od 6 godina. Zakon navodi da će „ombudsman biti imenovan iz reda tri konstitutivna naroda (srpskog, bošnjačkog i hrvatskog), što neće isključiti mogućnost imenovanja ombudsmena iz reda ostalih“, s tim da nijedna osoba koja se izjašnjava kao „ostali“ do sada nije imenovana za ombudsmana. Od 10 osoba imenovanih za ombudsmana od 1996. godine, tri su bile žene (od kojih dvije u ovom mandatu) i sedam muškaraca. Posljednji postupak imenovanja održan 2017. godine bio je otvoren za učešće civilnog društva. Tri ombudsmana konsenzusom odlučuju o predloženim preporukama, što uzrokuje značajna kašnjenja ili neaktivnost u osjetljivim slučajevima. Ovo je štetno za rad institucije i mora se promijeniti. Pored izdavanja preporuka, Ombudsman ima ovlašćenje da inicira ili interveniše u sudskim postupcima i da traži ponovno otvaranje postupka ili reviziju sudskih odluka, ali nikada nije koristio ova ovlašćenja. Javne i privatne institucije su 2018. godine realizovale 123 (35%) preporuka Ombudsmana, a 125 (35%) preporuka je provedeno u 2017. i 84 (31%) u 2016. godini. Ako se preporuka ombudsmana ne realizuje ili se ne sarađuje sa Ombudsmenima u slučajevima diskriminacije, to može biti prekršaj. Međutim, Ombudsman nije pokrenuo prekršajni postupak u posljednje 3 godine. U 2017. godini, Globalni savez nacionalnih institucija za ljudska prava (GANHRI) ponovo je akreditirao Ombudsmenu i da mu status „A“. Bosna i Hercegovina bi trebala izmijeniti i dopuniti Zakon o ombudsmenu kako bi ga uskladila s pariškim principima i preporukama EU iz juna 2018. godine o standardima za tijela za jednakost, posebno u pogledu finansijske nezavisnosti, imenovanja i razrješenja, te saradnje s civilnim društvom. Od 87 radnih mjeseta predviđenih sistematizacijom Ombudsmena, popunjeno je njih 59. Ombudsman treba da reformiše svoju unutrašnju organizaciju uvođenjem tematske podjele rada među svoja tri člana i svog osoblja kako bi pomogao da se bolje iskoriste raspoloživi resursi. Trebalо bi mu obezbijediti adekvatne ljudske i finansijske resurse za efikasno obavljanje zadataka.“

S obzirom na navedeno, postavljaju se predmetna poslanička pitanja.

S poštovanjem,

PODNOŠILAC

Zlatan Begić
Izlatan Begić, zastupnik